

TARDE-TERNANA = 1 A 0 'NA STIUARDE CHIAMATE MARIJE.. MARIJE STIUARDE (CORRETTO)

L'ha mann't Aldo "Diecipalazzine"

martedì 03 marzo 2009

Ultimo aggiornamento mercoledì 04 marzo 2009

E ssineee… osce stàvéne ‘le stiuàrde maschéle e le stiuàrde feméne… una se chiamàve accòme ‘a Reggine de Scòzzie, Marije e dàse ca ève vestùte da stiuàrde, pe mmè putéve essère sàtta sàtta Marije Stiuàrde. Onèste! stavéne chiù stiuàrde ca cristiàne… quàttre jàtte stàmme osce o’ lacovòne… 1500 tefùse. Mò ca stòch a ppènze… ca pùre le stiuàrde so cristàne nòne? M’ arrecòrde ca quànne o càmbè cèrte vòte facevéne a mazzàte o le marenàre… sendive dicére : Madòòò a mazzàte stònn’e ffànnè? Ci? ‘Nu cristiàne e ‘nu marenàre… ehehe… fa ca mò le marenàre no jèvéne pùre lòre cristiàne. Comungue, osce ha accumenzàte ‘a partite e le uagnùne d’a curva nord nònge hòne lucculàte pe déce menùte…

hòne fàtte ‘na sòrte de sciopére. Però, quànne stòne cìtte lòre pàre ca stàme o San Brunòne…ce murtorije. ‘U speaker d’u càmbè nònge ha ditte nemmànghe le formazzìone. Osce l’aviva terà le paròle da mmòcche Assevène e trasevéne le sciucatùre e jdde mànghe p’a càpe. Ma ce, stè sparagnàme pùre sùse o speaker? Ma u pajéne a paròle? Ce chijànte! ‘U prime tijmbe avime fàtte ‘nu pàre de tire mbòrte e ‘nu gòl. Ha segnàte CARROZZA. Aggarbàte ‘u uagnòne… ha avùte ‘nu pallòne da SOSA e ha menàte ‘na sbunnàte de sinistre. N’avime scambàte ‘nu regòre grànne quànne a ‘na càse… n’ha sciùte bbòne. O secònde tijmbe MICCO s’a gnuttùte ‘nu pàre de gòl e ha pigghjàte pùre ‘nu pàle. Ha trasùte DI (capoluogo della Puglia), nu difenzòre, e ha assùte CATURANO… ’u cendrattàcche.

Tùtte avime penzàte. Ma l’allenatòre ha rincoglionite? E ‘mbéce nòne. Quìdde vùrpe ha fatte avanzà MICCO e SCIAUDONE (ca ha pigghjàte ‘u pòste de MIGLIETTA) e ‘u Tàrde ha fàtte ‘nu belle secònde tijmbe. ‘Nu sciucatòre d’a Ternàne ha stàte scettàte fòre da ‘u càmbè e ‘u Tàrde nuèstre ha purtàte a ccàse ‘na vittorie mbortànde. Apprisse alle stiuàrde stavéne pùre ‘nu sbuènne d’addetti all’antincendio… ma facitème capì. A cce serve l’antincendje ind’a ‘nu càmbè de cemènde e de fijrre? Comungue Uagnùne e Uagnèdde v’hagghj’a dicére ‘na còse... nònge ‘u sàcce ce quèdda uagnèdde ca facéve ‘a stiuàrde se chiamàve averaménde Marije.. me piacéve sta battùte de Marije Stiuàrde. ‘Na còse jè cèrte... jéve ‘na bella uagnèdda, ‘nziste e biònde. Chiù jèrte de me... vabbè ca ije mica so jirte! Nemmanghe vàsce però... decime ca so... diversamente alto...ehehehe. Ce n’avim’a ffà de Marije Stiuàrdeeee, a Reggine... nuje tenime ‘a stiuàrda nòstre, bionda, bbona, gagliàrde e tòsta... annèseeeeeeeee!